

Pyetjet më të shpeshta rreth vaksinës COVID-19 për fëmijët 6 muaj deri në 5 vjeç

Pse fëmijët nën 5 vjeç duhet të marrin vaksinën kundër COVID-19?

COVID-19 mund të bëjë që fëmijët të sëmuren rëndë. Dhjetëra mijëra fëmijë dhe adoleshentë me COVID-19 u është dashur të shtrohen në spital dhe COVID i gjatë ndodh tek fëmijët.

Vaksina është mënyra më e mirë për të mbrojtur fëmijën tuaj që të mos sëmuret rëndë. Ajo ndihmon në mbrojtjen e fëmijëve të vegjël që nuk janë në gjendje të mbajnë maska ose distancë sociale. Vaksinimi i fëmijëve gjithashtu ndihmon në mbrojtjen e personave të dashur që rrezikojnë të sëmuren rëndë nga COVID-19.

Po sikur fëmija im të ketë pasur tashmë COVID-19?

Fëmijët duhet të vaksinohen ende, edhe nëse kanë pasur tashmë COVID-19. Njerëzit që janë plotësisht të vaksinuar kanë mbrojtje më të mirë se njerëzit që janë infektuar vetëm me COVID-19. Nëse fëmija juaj ka pasur COVID, ai mund të vaksinohet sapo të shërohet nga sëmundja dhe të ketë përfunduar perioda e izolimit.

Nëse e kam marrë vaksinën kundër COVID-19 gjatë shtatzënisë, a duhet ende fëmija im të vaksinohet? Po nëse jam e vaksinuar dhe aktualisht ushqej me gji?

Po, ju ende duhet të vaksinoni fëmijën tuaj edhe nëse jeni vaksinuar gjatë shtatzënisë dhe/ose nëse aktualisht jeni duke ushqyer me gji. Ndërsa antitruapat mund të transmetohen gjatë shtatzënisë dhe ushqyerjes me gji, mbrojtja mund të bëhet më e vogël me kalimin e kohës.

A është vakcina e COVID-19 e sigurt për fëmijët e vegjël? Po në lidhje me efektet afatgjata?

Po. Siguria e vaksinës është studiuar në mbi 10,000 fëmijë të moshës 6 muaj deri në 5 vjeç. Disa fëmijë patën efekte të lehta anësore si lodhje ose temperaturë, por kjo nuk zgjati shumë dhe të gjithë u përmirësuan shpejt. Vakcina e COVID-19 për fëmijët është një lloj vaccine e quajtur vaksinë mRNA, e cila është studiuar në prova të kafshëve dhe njerëzve për vite me radhë, pa efekte afatgjata. Për shkak se COVID-19 mund t'i sëmurë fëmijët, vaksinimi është zgjidhja më e mirë për shëndetin dhe sigurinë afatgjatë.

A është vakcina kundër COVID-19 efektive?

Po. Provat klinike treguan se vakcina për fëmijët më të vegjël është efektive në reduktimin e shkallës së infeksionit dhe në krijimin e niveleve të niveleve të ngjashme të imunitetit tek fëmijët si tek adoleshentët dhe të rriturit.

Ku mund të vaksinohet fëmija im?

Nëse është e mundur, kontaktoni ofruesin e kujdesit shëndetësor të fëmijës tuaj për të caktuar një takim. Nëse fëmija juaj nuk ka një ofrues të kujdesit shëndetësor, përdorni [VaxFinder.mass.gov](https://www.mass.gov/vaxfinder) për të caktuar një takim në një farmaci, qendër shëndetësore ose vendndodhje tjetër që vaksinon fëmijët e vegjël. Vaksinimet në shtëpi janë të disponueshme për këdo që ka vështirësi në përdorimin e vendndodhjes së vaksinimit në komunitet.

